

ჭიათურის მუნიციპალიტეტის საკრებულოს

დადგენილება №19
2016 წლის 15 ივლისი

ქ. ჭიათურა

„ჭიათურის მუნიციპალიტეტის გამგეობის დებულების დამტკიცების შესახებ“ ჭიათურის მუნიციპალიტეტის საკრებულოს 2014 წლის 24 სექტემბრის №30 დადგენილებაში ცვლილების შეტანის თაობაზე

საქართველოს ორგანული კანონის „ადგილობრივი თვითმმართველობის კოდექსი“ 61-ე მუხლის მე-2 ნაწილის, „ნორმატიული აქტების შესახებ“ საქართველოს კანონის მე-20 მუხლის მე-4 და მე-6 პუნქტების, „სამოქალაქო აქტების შესახებ“ საქართველოს კანონში ცვლილების შეტანის თაობაზე, საქართველოს კანონის (სსმ, 04/06/2016, სარეგისტრაციო კოდი 010110000.04.001.016169) მე-2 მუხლის მე-4 პუნქტის შესაბამისად ჭიათურის მუნიციპალიტეტის საკრებულო ადგენს:

მუხლი 1

„ჭიათურის მუნიციპალიტეტის გამგეობის დებულების დამტკიცების შესახებ“ ჭიათურის მუნიციპალიტეტის საკრებულოს 2014 წლის 24 სექტემბრის №30 დადგენილებაში (სსმ, 29/04/2016, სარეგისტრაციო კოდი 010250050.35.129.016129) შევიდეს შემდეგი ცვლილება:

ა) დადგენილებით დამტკიცებული №1 დანართის მე-16 მუხლის მე-3 პუნქტს დაემატოს „გ¹“ ქვეპუნქტი და ჩამოყალიბდეს შემდეგი რედაქციით:

„გ¹. ვალდებულია დროულად მიაწოდოს ინფორმაცია გამგებლის მიერ განსაზღვრულ უფლებამოსილ პირს ბავშვის დაბადების თაობაზე, თუ ბავშვი დაიბადა სამედიცინო დაწესებულების გარეთ, დაბადების შესახებ სამედიცინო ცნობის გაცემის უფლებამოსილების მქონე პირის დახმარების გარეშე.“;

ბ) დადგენილებით დამტკიცებული №1 დანართის მე-16 მუხლის მე-3 პუნქტს დაემატოს „გ²“ ქვეპუნქტი და ჩამოყალიბდეს შემდეგი რედაქციით:

„გ². ვალდებულია შეადგინოს ოქმი პირის გარდაცვალების შესახებ და არაუგვიანეს მეორე სამუშაო დღისა წარუდგინოს გამგებლის მიერ განსაზღვრულ უფლებამოსილ პირს.“.

მუხლი 2

დადგენილება ამოქმედდეს გამოქვეყნებისთანავე.

ჭიათურის მუნიციპალიტეტის
საკრებულოს თავმჯდომარე

ალექსანდრე ციციშვილი

